



Broj: 01/13-04-575/22  
Sarajevo, 24.01.2022. godine

**GRADSKO VIJEĆE GRADA SARAJEVA**  
**g-din Jasmin Ademović, predsjedavajući Gradskog vijeća**

**Predmet:** Amandman na Prijedlog Odluke o izmjenama i dopunama Odluke o platama i naknadama u organima Grada Sarajeva, dostavlja se

**Poštovani,**

U skladu sa članom 124. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Prijedlog Odluke o izmjenama i dopunama Odluke o platama i naknadama u organima Grada Sarajeva, a koji je utvrđen kao tačka dnevnog reda Jedanaeste sjednice Gradskog vijeća Grada Sarajeva, podnosim Amandman, kako slijedi:

**AMANDMAN**

U članu 15. Prijedloga Odluke o izmjenama i dopunama Odluke o platama i naknadama u organima Grada Sarajeva u platnom razredu VI, radnog mjesta pomoćni radnik i nekvalificirani radnik (NK radnik) mijenja se koeficijent tako da umjesto „1,85“ glasi „2,20“.

**Obrazloženje:**

U postupku koji je prethodio upućivanju na razmatranje i odlučivanje Gradskom vijeću Grada Sarajeva Prijedloga Odluke o izmjenama i dopunama Odluke o platama i naknadama u organima Grada Sarajeva, u skladu sa članom 43. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj 6/20) i Sporazuma o produženju primjene Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj 11/21), zatraženo je mišljenje Sindikalnog odbora Sindikalne organizacije Grada Sarajeva. U Mišljenju broj: So-48/22 od 11.01.2022. godine Sindikalni odbor je sugerisao da se razmotri mogućnost povećanja koeficijenta za platni razred VI – pomoćni radnik i NK radnik koji trenutno iznosi 1,85, pri tome navodeći primjere drugih jedinica lokalne samouprave u kojima je taj koeficijent utvrđen u visini 2,20.

Administrativna komisija Gradskog vijeća Grada Sarajeva je na 13. sjednici, održanoj 14.01.2022. godine, usvojila zaključak kojim podržava prijedlog Sindikalne organizacije organa Grada Sarajeva, broj: So-48/22 od 11.01.2022. godine i sugeriše gradonačelnici, odnosno gradskoj službi za finansije, da predloženu promjenu provede budući da se ne radi o značajnim sredstvima.

Po prijemu naprijed navedenih akata izvršene su konsultacije sa nadležnom službom nakon kojih je utvrđeno da bi ovo povećanje koeficijenta, u odnosu na predviđena sredstva za plate i naknade, iznosilo na godišnjem nivou cca 14.670,44 KM, a što je s aspekta finansija prihvatljivo.

Cijeneći naprijed navedeno, a naročito opravdanost upućenih sugestija, ulaže se ovaj amandman.

**GRADONAČELNICA**

**Doc. dr. Benjamina Karić, s.r.**

Dostaviti:  
-naslovu  
-evidencija

